

**Marloriaammik akileraanginnissaq pillugu
danskít kalaallíllu isumaqatigiissutaannut
ilassutitut isumaqatigiissut**

Aningaasarsianit pigisaníllu marloriaammik akileraanginnissaq siunertaralugu kíisalu akileraartarnermi sulíassani ikioqatigiinnissaq pillugu danskít naalakkersuisuisa Kalaallíllu Nunaata naalakkersuisuisa isumaqatigiissutaannut 18. oktober 1979-imeersumut ilassutitut isumaqatigiissut.

Danskít naalakkersuisuisa Kalaallíllu Nunaata naalakkersuisuisa makku isumaqatigiissutigaat:

Allaaserisag 1

Marloriaammik akileraanginnissaq pillugu isumaqatigiissummi allaaserisag 10 ima oqaasertaqassaaq:

”Allaaserisag 10

Iluaaarutisiat

1. Iluaaarutisiat, selskabimit naalagaaffiup ílaata arlaanni angerlarsimaffeqartumit inummut naalagaaffiup ílaata aappaani angerlarsimaffeqartumut akilerneqartut naalagaaffiup ílaani tamani akileraaruserneqarsinnaapput, taamaattorli tak. imm. 2-5.
2. Selskabimit naalagaaffiup ílaata arlaanni nalunaarsorneqarsimasumit iluaaarutisiat, allaaserisag 4, imm. 3 apeqqutaatinnagu, naalagaaffiup ílaani tassani akileraaruserneqarsinnaapput. Iluaaarutisianik píssarsisoq naalagaaffiup ílaata arlaanni, selskabip nalunaarsorneqarfiani angerlarsimaffeqarpat iluaaarutisiat taamaallaat naalagaaffiup ílaani tassani akileraaruserneqarsinnaapput. Selskabi iluaaarutisisitsisoq taamaallaat naalagaaffiup ílaata arlaannut nalunaarsorneqarfimminut unerartisisussaatitaavoq.
3. Iluaaarutisiat piginnittuiat selskabiuppat (selskabi piginnittuusooq) naalagaaffiup ílaata aappaani angerlarsimaffeqartoq, aammalu sivikinnerpaamik ukiumi ataatsimi, iluaaarutisianik agguassiffiususami selskabip iluaaarutisisitsisup (selskabip pigisami) aningaasaataasa minnerpaamik 25 pct.-iannik toqqaannartumik pigisaqarpat, iluaaarutisiat taamaallaat naalagaaffiup ílaata arlaanni selskabip piginnittuusup angerlarsimaffiani akileraaruserneqarsinnaapput, taamaattorli tak. imm. 4-5.
4. Selskabi pigisag Danmarkimi angerlarsimaffeqartoq nalunaarsorneqarsimasorluunniit selskabi-

mut piginnittuusumut Kalaallit Nunaanni angerlarsimaffeqartumut iluanaarutisianik tunniussaqaartil-lugu imm. 3-mik atuinissami piumasaqaataassaaq, iluanaarutisiat pineqartut selskabimut piginnittuu-sumut Kalaallit Nunaanni akileraaruteqaataannginnissaat, aammalu selskabip piginnittuusup ilua-naarutisianik tunniussaqaarnerani, selskabip piginnittuusup selskabinit pigisaminit Danmarkimiittunit iluanaarutisiaasa ilanngaatigineqannginnissaat.

5. Iluanaarutisiat selskabit tunniuttagaat Kalaallit Nunaanni inatsisit naapertorlugit aningaasarsianit akileraaruteqaataasussanit tamakkiisumik ilanngaatigineqarsinnaajuartillugit, iluanaarutisiat selskabit pigisat Kalaallit Nunaanni angerlarsimaffeqartut nalunaarsorneqarsimasulluunniit selskabinut pi-ginnittuusunut Danmarkimi angerlarsimaffeqartunut iluanaarutisiatut tunniuttagaat Kalaallit Nunaata akileraarusersinnaavai.

6. Taaguut ”iluanaarutisiat” allaaserisami matumani isumaqarpoq aktianit, piginneqataanermut up-vernarsaatinit imaluunniit ”akiitsut pinnagit” iluanaarutit allat ilaannik pisinnaatitaaffinnit aningaa-sarsiat kiisalu selskabip aningaasanik tunniussaqaartup naalagaaffiup ilaata arlaanni angerlarsimaf-fiani akileraartarnermi inatsisit naapertorlugit aktiatigut aningaasarsiat akileraaruserneqartarnerat assigalugu selskabip pisassarisaanit allanit aningaasarsiat.

7. Imm. 1-imiit 5-imut aalajangersakkat apeqqutaatinnagit naalagaaffiup ilaani marluusuni pisortat oqartussaasut isumaqatigiissutigisinnaavaat, iluanaarutisiat ingerlatsivimmut isumaqatigiissummi aqqatigut taasamut tuttussat, naalagaaffiullu ilaata arlaanni ingerlatsiviup angerlarsimaffigisaani inat-sisit naapertorlugit iluanaarutisiat akileraaruserneqartussaannigitsut, naalagaaffiup ilaata aappaani tassani selskabinit iluanaarutisiat akileraaruserneqartarnerattut akileraaruserneqannginnissaat.

8. Imm. 1-imi aamma imm. 3-miit 5-imut aalajangersakkat atuutissanngillat iluanaarutisiat piginnittuiat naalagaaffiup ilaata arlaanni angerlarsimaffeqartoq, naalagaaffiup ilaata aappaani selskabip iluanaarutisisitsisup angerlarsimaffiani tassani aalajangersimasumik ingerlatsivimmiit inuussutissarsiutigalugu suliffeqarfimmik ingerlataqarpat imaluunniit tassani sumiiffimmit aalajangersimasumiit namminersorluni inuussutissarsiummik ingerlataqarpat, aammalu aktiatigut pigisat iluanaarutisiaqartitaanermut tunngaviusut aalajangersimasumik ingerlatsivimmut sumiiffimmulluunniit aalajangersimasumut taamaattumut toqqaannartumik attuumassuteqarpata. Taamaattoqarsimatillugu allaaserisaq 7-imi aammalu allaaserisaq 14-imi aalajangersakkat atorpeqassapput.

9. Selskabi naalagaaffiup ilaata arlaanni angerlarsimaffeqartoq naalagaaffiup ilaata aappaani iluanaarutininik aningaasarsianilluunniit pisarpat, iluanaarutisiat selskabip tunniutai naalagaaffiup ilaata aappaata taassuma akileraarusiiffigisinnaanngilai, aatsaalli akileraarusiiffigisinnaallugit iluanaarutisiat inummut naalagaaffiup ilaani tassani angerlarsimaffeqartumut tunniunneqarpata imaluunniit aktiatigut pigisat iluanaarutisiaqartitaanermut tunngaviusut naalagaaffiup ilaata aappaani tassani aalajangersimasumik ingerlatsivimmut imaluunniit sumiiffimmut aalajangersimasumut

toqqaannartumik attuumassuteqarpata, aammattaarlu akileraarusersinnaanagit selskabip iluanaarutai agguaatinnngisat, iluanaarutisiat tunniunneqartut imaluunniit iluanaarutit agguaatinnngisat tamakkiisumik ilaannakuusumilluunniit naalagaaffiup ilaata aappaani tassani iluanaarutinit aningaasarsianilluunniit pisuunerat apeqqutaatinnagu.”

Allaaserisaq 2

Aningaasarsianit pigisanillu marloriaammik akileraannginnissaq siunertaralugu kiisalu akileraartarnermi suliassani ikioqatigiinnissaq pillugu danskit naalakkersuisuisa kalaallillu naalakkersuisuisa isumaqatigiissutaanni 18. oktober 1979-imeersumi allaaserisaq 4 naapertorlugu inunnut akileraartarnikkut Kalaallit Nunaanni angerlarsimaffeqartunut, danskit soraarnerussutisiaqalernissamut imaluunniit inuunermut sillimmasiisarfiini soraarnerussutisiaqalernissamut aaqqissuussinernik ingerlaavartumik tunniussiviusartunik pilersinneqarsimasunik Kalaallit Nunaannut nuussinermi tamanna soraarnerussutisiaqalernissamut ileqqaakkat akileraaruserneqarnissaannut inatsimmi immikkoortoq 1 naapertorlugu tunniussinertut akiliinertulluunniit isigineqassanngilaq. Tamatumunnga piumasaavoq soraarnerussutisiaqalernissamut aaqqissuussinernut pineqartunut akiliutit Danmarkimi ilanngaatigitinneqarsimannginnissaat imaluunniit sulisitsisup aaqqissuussinernut akiliutaasa aningaasarsianut ilanngunneqartussaannngitsutut isigineqarsimannginnissaat. Aammattaaq piumasaavoq Kalaallit Nunaannut nuussinerup kingusinnerpaamik ullormi 31. december 2003-mi pinissaa.

Allaaserisaq 3

Imm. 1. Illassutitut isumaqatigiissut manna atortuulissaaq ullormi peqataasut tamarmik atsiuiffianni.

Imm. 2. Illassutitut isumaqatigiissut siusinnerpaamik atuutilissaaq ullormi danskit Folketingiata isumaqatigiissummik akuersissuteqarfīgisaani.

Imm. 3. Illassutitut isumaqatigiissut atortuulerpoq 1. januar 2003 aallarnerfigalugu, allaaserisarli 2 1. juli 2002-miit atuutilissaaq.

Allaaserisaq 4

Illassutitut isumaqatigiissut manna atuuttuassaaq isumaqatigiissut 18. oktober 1979-imeersoq atuutsillugu.

Ulloq 12. juni 2002-mi Ilulissani suliarineqarpoq, danskisooq kalaallisoorlu marlungorlugit, taak-

kulu oqaasertaat naligiimmik atuussuseqarput.

Kalaallit Nunaata naalakkersuisui sinnerlugit

Danskit naalakkersuisui sinnerlugit